

**Swift**  
PORKAM - JAMONADA  
Prepara segun un proceso especial.  
Un delicatessen ariba sandwich.  
**Wimco**

# ARUBA ANSE COURANT

**ORANGE Crush**

Diario pa  
**KONINKLIJK INSTITUUT**  
VOOR  
TAL-LEER-EN-VERBODEN-LEER-EN-VERBODEN



Aruba

**KING SIZE COCA-COLA**  
MORE FOR YOU!

**NOW!! FOR COOLNESS AIRCONDITIONING**  
Tel. 2170  
**ELMAR**

## DELIBERACIONNAN DI MINISTRO E. JONCKHEER CU GOBIERNO DI HULANDA

### Pronto servicio Obligatorio na Antillas

**DEN HAAG, 12 febr. — Na un reunion cu representanten di prensa hulandes senior E. Jonckheer, minister president di Antillas Neerlandesas, a haci algun anuncio dje deliberacionnan cu el a haci siman pasa cu miembronan dje gobierno hulandes.**

E deliberacionnan aki tabata trata di introduccion di servicio militar obligatorio na Antillas. Minister Visser ta comprende e punto di bista dje gobierno antillano y nan a yega di acuerdo tocante e unico punto di diferencia di bista, y palabrita ta actualmente pa Antillas pa haci stipulacionnan necesario di chhecucion, cu pronto lo ta cla.

Secretario di estado De Jong a bisa cu si ta posibel lo sali pa Antillas, 3 experto militar pa yuda na e preparacionnan.

Sr. Jonckheer a keda contentu y a bisa cu e ta kere cu gustosamente nan lo haci uso dje oferta aki.

Tin na Antillas personanan capasita, pa e tal stipulacionnan di chhecucion, pero ta trata akianan di un caso completamente nobo, caminda ayudo di experionan semper ta bon bini. Den linjnan grandi nan a stipula e chhecucion manera lo siguiente:

E servicio obligatorio na Antillas ta un parti di forza terrestre. Nan preparacion lo tuma laga door di partinan dje cuerpo di mariniersnan na Antillas.

Segun ley nan no por yama ningun persona bou di servicio militar obligatorio den e cuerpo di marinier, sin un ordonanza special. E antillanonan aki ta forma un cuerpo special y e defenda di Antillas ta keda un asunto di marina.

**1000 homber**  
Segun e prome minister e cuminamento lo ta discretu, ta mihor pa no cuminza muchu pura. Ta nan intencion pa yama cada seis luna bou di servicio militar obligatorio un grupo di persona cu lo tin en total un mil homber pa anja. Pero den cuminamento nan lo cuminza cu gruponan di dos te tres cien cada seis luna. Experiencia durante guerra a sinja, cu tin cantidad grandi dje gruponan aki lo worde afgekurd door di docter.

Tambe gobierno lo duna facilmente vrijstelling, pasobra servicio militar obligatorio no tin mag di stroba desarrollo economico dje pais.

E limite di servicio ta un anja y e edad ta 18 anja. Educacion pa oficial lo tuma laga na Hulanda, pero ta intencion cu despues e cuerpo mes lo chhecuta e prome ensenjanza pa oficial. Nan ta spera cu na mei o juni dje anja aki nan lo por yama bou di servicio obligatorio e prome grupo. Tambe nan kier trata, pa agrega na e periodo di

Na Inglaterra nan a hael tur posibel pa laga e weg di futbol pa Copa di Europa entre Anderlecht y Dundee tuma lugar, pero sin resultado. Aki nos ta mira con nan ta purba pa stapla aire cayente bou di un tapa di plastic cu nan a cubri un pida di e terreno cune.



cu na KLM nan ta formando un opinion, y gustosamente nos lo kier a delibera cu KLM tocante esaki.

**E.E.G.**

Riba preguntanan tocante asociacion antillano den EEG, senior Jonckheer a contesta na e conferencia di prensa, cu for di exterior ya nan a mira hopi interes en relacion cu posibilidadnan di inversionnan na Antillas, y nan a haya hopi informacion. Cu bista riba e empresanan en relacion, senior Jonckheer no kier a responde un pregunta, cua sorto di empresanan a muestra interes. Senior Jonckheer a delibera na Den Haag tocante asociacion. Riba un pregunta, conta para cu e transportacion di obreronan antillano pa Hulanda el a contesta, cu nan ta haciendo actualmente un vigilancia serio riba esaki, pasobra nan no por manda ningun persona cu por danja number di Antillas. Nan ta warda, spera, waak con esnan cu nan a manda caba ta comporta nan.

Di prome e personanan aki mester cinstumbra cu e clima, y esaki ta basta dificil. Pronto, segun senior Jonckheer nan lo tuma un decision den e kestion aki.

Tambe minister Jonckheer a papia cu su colega mr. Beerman, di justicia. E no por participa nada, prome cu e informa staten, local lo sosede na e tratamentu di presupuesto, cu ta cuminza dia 19 dje luna aki. Minister Lampe a delibera cu prome minister Jonckheer tocante varios asunto, cu ta keda riba gobernacion interior.

**SECRETARIO MERICANO DI ESTADO NA ITALIA**

**ROMA, 12 febr. —** Secretario MERICANO di defensa di estado, Gilpatrick, a yega Roma ayera. Nan ta spera cu e lo tin un entrevista cu prome minister Fanfani y e ministro Italiano di defensa Anreotti.

Minister Gilpatrick, mester a bishita tambe Spanja durante siman aki, pero pentagon a anuncia cu riba aprobacion di ambos pais nan a suspender e bishita. E ministerio a declara cu Merca tin necesidad di basenan na Spanja. Den futuro nan lo delibera tocante cambio dje tratado di defensa cu Spanja di 1953.

**EEG Y ALEMANIA WEST**

**BONN, 12 febr. —** E embahador di Dinamarca y Noruega na Bonn ta haciendo intencionnan pa hanta asercion di noticia, cu canceller Adenauer di Alemania West tin miendu di un desequilibrio socialista den E.E.G., si Inglaterra y paisnan di Scandinavia afila.

E embahador di Noruega a participa, cu e embahador Vogt lo bishita minister di defensa di Alemania West, Von Hassel.

Tambe e embahador Danes lo haci un bishita na e ministerio di asuntunan exterior di Alemania West.



Esaki ta algun voluntario di Vrijwilligerskorps" cu tin na Corsow y cu probablemente tambe lo worde establece na Aruba. E grupo aki ariba a cuminza diasabra u.p. cu ehercicionan militar.

## Reanudacion di conferencia di desarme

**GINEBRA, 12 febr. —** Despues dje recesso di for di cuminamento di december, e conferencia di 18 potencionnan lo reanuda mayan deliberacionnan tocante desarme. Nan a delibera na januari en representanten die gobierno mERICANO riba peticion dje gobierno sovietico tocante un dje puntunan mas importante dje conferencia: prohibicion di prueba nuclear. Despues cu a resulta cu e conferencia aki tabata fructuoso Inglaterra tambe a tuma parti. Durante e deliberacionnan aki Merca a anuncia cu nan lo stop provisionalmente cu prueba nuclear bou di terra den desierto di Nevada.

**REUNION DI UNION PORTUARIO**

**ORANJESTAD, 11 febr. —** Dia-razon e miembronan di Union Portuario, e union di empleadonan di haf lo reuni den Hollandia Club. E miembronan lo worde poni na altura e ora ey di e intencion y consecuencianan di un acuerdo colectivo di empleo.

**CONFERENCIA DI MOSHI TOCANTE LATINO AMERICA**

**MOSHI, 12 febr. —** E resolucion politico cu e conferencia di solidaridad Africano Aziatiko na Moshi a acepta ta haci un peticion na tur organisacionnan nacional pa considera dia 17 di april proximo, como un dia "di solidaridad di pueblonan Africano Aziatiko y pueblonan di Latino America y principalmente cu e pueblo Cubano".

**RUMAN DI TSJANG NO TA BINI**

**ORANJESTAD, 12 febr. —** Aruba no por a ricibi e curia di generalissimo Tsjang Kai Sjek, Esaki a laga sa cu e kier a pasa su vacation di dia 11 pa dia 25 di e luna aki na Aruba. Como su peticion a worde ricibi na ultimo ora pa e hotel, nan no a logra di facilité un cuarto segun su gusto y standing den e hotel cu ta tur ocupa. Esta no pa tur es tempo en e tabata kier. Diasabra el a laga sa cu el a anula su biahe pa Aruba.

**REPRESENTANTE DI GEDEONS INTERNATIONAL A BISHITA ARUBA**

**ORANJESTAD —** Sr. y Sra. John E. Smitter di Grand Rapids, Michigan, America a sali cu KLM diasabra atardi despues di pasa dos dia na Aruba. Sr. Smitter como Vice-Presidente di "The Gedeons International" a investiga e posibilidad di establece un "campamento" di Gedeonnan na Aruba. The Gedeons International tin campamentunan den 61 pais di mundo. Un campamento ta consisti di por lo menos seis homber cristian cu ta mantiene un testimonio segun II Corintionan 5: 17 y ta comerciantenan, hendenan di profesion, etcetera.

E prome Bijbel di The Gedeons International tabata poni den un hotel na 1908. Desde e anja ei nan a pone cantidad di Bijbel den hotelnan, motelnan y varios otro lugar similar.

Sr. Smitter a drenta Gedeons na 1938. El a representa nan na Oriente antes di bira Vice-Presidente. Esaki ta su prome bishita na Caribe. Lo e bai na 16 isla di Caribe prome cu bolbe na Grand Rapids, Di Aruba el a bai Curacao pa keda y bishita e campamento establece aya te Diamars.

Sra. Smitter ta Secretaria di "Auxiliary of The Gedeons International". E Auxiliary ta componi di senjoranan di Gedeonnan. Tur dia, na 10' or local, nan ta tene un tempo di oracion. Tur dos di famia Smitter tin cu biha hopi. Hopi bez nan ta biaha.

Sr. Smitter tabata donjo di un pauc di bisti na Grand Rapids pa 42 anja. El a retira di su pauc 4 di juli di anja pasa. Desde un hoben sr. Smitter a sirbi nos senior.

**DOS SIMAN CONDICIONAL PA DAMA CU A TENE PLACA ADEN**

**ORANJESTAD, 12 febr. —** E dama E.M.R., di 18 anja for di San Nicolas no a entrega e placa cu e tabata ricibi pa e lavanderia na unda e tabata emplea, a gastele pa su propio uso, y huez a sentenciele pa dos siman condicional. Durante varios periodonan na luna di september anja pasa e dama aki a ricibi placa cu e clientenan di e lavanderia, na unda e tabata traha, a paga pa panja laba, y e no tabata entrega tur e placa na final di cada dia y tabata tene un cantidad atras, cual luego el a usa pa su mes.

E suma a aumenta ta na fls. 128.07 y fiscal a acusa e dama di desfalco durante trabau. Su demanda tabata di dos siman condicional cu tempo di prueba di tres anja y un boet di fl. 100 o binti dia sera.

E sentencia di huez tabata di dos siman condicional cu tempo di prueba di tres anja y cu acusada lo paga e suma di fls. 58.07 bek denter di un anja di tempo.

**ROSA TRIMON: REINA DI CARNAVAL DI N.S.C.**

**NOORD, 12 febr. —** Diah Domingo anochi a worde dicidi kende lo ta e prome reina di carnaval di Noord Social Club. E honor a cai serca sra. Rosa Trimon, cu desmes cu tur votonan a worde conta, tabatin 28.000 votos bendi.

Na segundo lugar a termina sra. Maria Ruiz cu a bende 24.000 votos. Como el a entrega fl. 3.075.— diadomingo u.p. e diferencia di fl. 675.— lo worde paga bek n'e door di e club. E decision final a worde haci pa e club mes, como cu e comite central di carnaval a distancia su mes di e diferencia di opinion aki, bisando cu aki tabata trata di un asunto interno di e club. Di parti di directiva nos a worde informa cu a resulta cu sra. Ruiz no a perde su bukinan, pero cu e tabatin un cantidad di placa pa local e no a entrega votonan. Di e mesun fuente nos a worde informa cu sra. Ruiz a declara cu el a bende votonan, pa local pa falta di bukinan el a keda sin entrega e papelnan di voto.

**FATUM — Tel.: 1845 pa tur bo aseguronan**

**JULIANITA HENRIQUEZ: REINA DI CARNAVAL DI TRAPPERS**

**STA. CRUZ, 12 febr. —** Diasabra durante un fiesta masha animada den Trappers Club na Sta. Cruz e reina di Carnaval pa e anja aki a worde eligi. A sali como prome e simpatica sra. Julianita Henriquez, kende cu 7060 voto a gana e eleccion. Na segundo lugar a sali sra. Felicitia Vrolijk cu a bende 4730 votos, y cu a hanja e titulo di Reina di Simpatia. Na tercer puesto tabata sra. Edna Koek cu 3540 votos, esaki a hanja e titulo Miss Trappers 1963.

**MINISTRO VELDKAMP TA BISHITA ARUBA**

**ORANJESTAD, 12 febr. —** Aiera e ministro hulandes di Sociale Zaken en Volksgezondheid, dr. G. M. J. Veldkamp a bishita Aruba. El a jega pa cuarto pa nuebe mainta y a delibera cu hefe di Gezondheidsdienst y B.C.

Despues di un paseo den San Pedro Hospital el a bebe un kopni koffie huntu cu algun dokternan di Aruba.

Merdia el a lunch huntu cu B.C. na D2 Olde Molen. Despues di un round-trip riba e isla e ministro a sali pa cine'or y mei atardi pa Corsow.



Aki nos ta mira ministra dr G. M. J. Veldkamp den conversacion cu ltz. H. B. Slot.

**COMPETITIE A.V.B.**  
Awenochi pa 7.30 den **WILHELMINA STADION**  
**ESTRELLA vs. JONG ARUBA**  
(HOOFDKLASSE)  
TRIBUNA PARAU FL. 1.— TRIBUNA PARIBA FL. 6.75  
Pa mucha tin lugar tras di goal pa fl. 0.25

**NOS MUCHA DI CORANT A LUBIDA BO!**  
Jama nos hefe di distribucion Maximo Croes  
TEL. 7007 y bo ta hanja bo corant mas pronto  
posibel ainda na cas!





Sjoukje Dijkstra e campeona mundial riba schaats cu a prolonga su titulo diasabra u.p. na Budapest, fotografia aki na su jegada na Budapest.

# CINCO Y SEIS

Resultado di e caredanan di 5 y 6 di dia 10 di febrero di 1963.

**CABAINAN GANADOR**  
**PROMER CAREDA:** Ramunteho (52 kilo) di preparador Millard J. d'E cu jinete B. Moreira. Distancia 1300 metro. Tempo 79 2/5 sec.

**DI DOS CAREDA:** Ganadero (48 kilo) di preparador A. Jaenel cu jinete L. Bolivar. Distancia 1700 metro. Tempo 106 sec.

**DI TRES CAREDA:** Adour (49 kilo) di preparador J. R. Ferrandez cu jinete Manuel Camacaro. Distancia 1700 metro. Tempo 105 2/5 sec.

**DI CUATER CAREDA:** Carden (52 kilo) di preparador V. Alaman cu jinete R. D. Guzman. Distancia 1200 metro. Tempo 73 1/5 sec.

**DI CINCO CAREDA:** Tucathina (48 kilo) di preparador L. Araya cu jinete F. Garcia. Distancia 1200 metro. Tempo 73 1/5 sec.

**ULTIMO CAREDA:** Pippin (48 kilo) di preparador Lau Padilla cu jinete J. J. Ferrer. Distancia 1200 metro. Tempo 73 1/5 sec.

Sorpresanan grandi nos a experimenta diadomingo den La Rincónada. E batazonan cu a gana ta asina tremendo cu no a resulta ningun cuadro ganador di 6 cabai. E ultimo biha cu esaki a pasa ta na Agosto (5) di anja pasa. E dia ey tampoco no tabatin cuadro cu seis ganador. E cuadronan cu 5 ganador a paga e biha ey cada una Bs. 12,251.20 y e cuadronan cu 4 cabai a gana \$15.50 bolivar.

Solamente dos promer favorito a gana diadomingo. Ramunteho den e promer careda y Carden den di tres careda. Ganadero den di dos careda ta un segundo favorito. E otro tres ganadornan Adour, Tucathina y Pippin ningun no a haya punto den e concurso di favorito. Di e moda aki a socede cu ningun aficionado a logra eier cu un cuadro cu 6 cabai ganador. Cu 5 cabai a bin resulta 83 cuadro cu ta gana cada uno Bs. 9,742.55 y e 2,245 cuadronan cu 4 cabai ta gana cada uno Bs. 240.10. E dos batazonan cu a causa mas desastre ta Adour y

Pippin cu a paga pa concepto di ganador respectivamente Bs. 119 y Bs. 172. Tucathina a paga Bs. 71. Orden di yegada:

**PROMER CAREDA:** 1. Ramunteho, 2. Achatado, 3. Carnavalesco, 4. Bentella, 5. Tarara, 6. Mimado, 7. Ticoeca, 8. Guatrache, 9. Estambul.

Un careda den cual e gran rival di Ramunteho cu ta Estambul a fracasa por completo pero den cual e ganador a haya un gran enemigo den e chempelar Achatado cu a reaparece den gran forma y a duna un gran pelea te na ultimo ora. Na altura di 300 metro final Guatrache II e puntero a entrega y Ramunteho a tuma e cabes sigi peligrosamente pa Achatado. Pero Moreira a logra e careda cu mei cuerpo dilanti di Achatado.

**DI DOS CAREDA:** 1. Ganadero, 2. Vilcapugio, 3. Joaze, 4. Sas, 5. Mocoties, 6. El Delta, 7. Turuguita, 8. Longfellow, 9. Español, 10. Ivanhoe, 11. Captain Nemo.

E erillo Ganadero a logra un bunia triunfo contra e importadonan. Viceroy a corre di salida como puntero sigi semper pa Ganadero. Den e curva final e erillo a logra unna bentaha y cohe e delantero pa domina e careda te na fin ganando cu 1/2 cuerpo di bentaha. Joaze y Sas a robe ta corre bon pero sin por logra un victoria. Obijal a keda retirá.

**DI TRES CAREDA:** 1. Adour, 2. Raven, 3. Crujido, 4. Mavorengo, 5. Luan Chamal, 6. Ferumbas, 7. Maljico, 8. Brasilio, 9. Green Ford, 10. Predicante II, 11. Mario.

Adour un chempelar cu a gaba di corre dos biha fuera di careda y e careda promer cu e dos ultimonan a yega di 13 cu 14 cuerpo di desbentaha a sali ganador di e segundo careda. Naturalmente cu e publico a grita y fluit na un moda terrible pero e careda a keda confionta. Adour a yega cu mas di 6 cuerpo dilanti di Raven. Lo stranja nos si e comisionan laga e triunfo aki pasa sin tuma algun medida.

**DI CUATER CAREDA:** 1. Carden, 2. Torneo, 3. J.K., 4. Elviria, 5. Fonica, 6. Rebelde, 7. Brinkburn, 8. Super Sixes, 9. Karachi, 10. Carretel, 11. Ferrol.

Un careda normal den cual e promer favorito a responde perfectamente ey gana cu 4 3/4 cuerpo dilanti di Torneo. Ta di 18 triunfo di R. D. Guzman e lider di e estadística di e anja aki.

**DI CINCO CAREDA:** 1. Tucathina, 2. Peral, 3. Telmo, 4. India Bravo, 5. Paballier, 6. Escamosa, 7. Taiwan, 8. Kaehito, 9. Recife, 10. Anahi, 11. Ladrillazo, 12. Ramillete.

Tucathina ta un di e gran sorprendanan di e prueba. E cabai no a haya ningun punto den e concurso di favorito. Peró den e ultimo 300 metronan tabata e delantero. Tucathina a hini di patras na pas na ebez y domina e careda. Caballier e gran favorito a logra solamente un discreto puesto como cerrador di e marzador.

**ULTIMO CAREDA:** 1. Pippin, 2. Chichimeca, 3. Nagui, 4. Tam Tam, 5. Ticer, 6. Amorebieta, 7. Coronela, 8. Antonio, 9. Ontima, 10. Glosler, 11. Howe That.

E triunfo di Pippin ta e sorpresa di mas grandi cu nos a experimenta desde hopi tempo. Un hatacazo cu a paga pa ganador 172 bolivar ta algo cu poco biha ta pasa. Pippin mes cu Tucathina ta un chempelar cu ta reaparece. No ta un chempelar cu nunca a demostra nada espectacular. Nos fija di siman Chichimeca cu te na ultimo momento ainda tabata dilanti mester a keda conforme cu e di dos puesto.

**YABI pa bo exito!**

Avisa den ARUBAANSE COURANT y compara e resultado!

**PANAMA STORE**

continuamente nos ta ricibi **TELA** nobo. Actualmente nos tin un surtido precioso di tela den tur color y calidad.

Tambe nos tin **TUR CLASE DI TIRES** den **TUR SIZE** na prijsnan especial. Paquico paga mas, si bo por hanja e mesun producto pa menos?

Pa articulo di calidad na prijs atractivo bisita **PANAMA STORE - San Nicolas**

**PETRONA & CROES**

Bo cas ta bo orgullo ora cu bo usa verf marca **PIETER SCHOEN**. Tambe nos ta huur equipo di construcion na prijsnan favorable. Haci nos un bisita y lo bo sali satisfecho.

**SHANGHAI STORE**

Pa cada 10 paki basti  
**1 PAKI JEN na:**  
**SHANGHAI STORE**

**TA BUSCA UN DAMA PA OFICINA**

pa departamento di suscripcion y administracion.

Exigencias: MULO-diploma, type-diploma, personalidad independiente, e mester sa Papiamento, Hulandes y Ingles.

Dirigi solicitud exclusivamente por escrito, cu amplia informacion di cualidades na Oficina di Arubaanse Courant, Nassaustraat 85, Oranjestad. Ambiente interesante.

**Continental Tyres**

Among the Best

Be sure of perfect reaction, superior comfort and high mileage.

**E. & G. MARTIJN (ARUBA) LTD**

## HULANDA Y INDONESIA

**DIAKARTA, 12 febr.** — Minister Indones di Exterior, dr. Soebandrio, a bisa ayera cu Indonesia y Hulanda lo restablece muy pronto nan relacionan diplomatico. Dr. Soebandrio a bisa esaki en relacion cu noticianan cu un repre-

sentante Indones a sali for London pa deliberacion cu e gobierno Hulandes tocante reanudacion di deliberacionnan riba nivel di delegadonan.

Riba un pregunta con e relacionnan entre ambos pais ta actualmentemente, dr. Soebandrio a responde: bon.

**KNSM your line**

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIP'S NAME	FROM:	TO:
NORINDA	12-2-63 New Orleans	C'cao, LaG., Pampatar, Carupano
TIEMIS	12-2-63 Europa, B'dos, T'dad, Carupano	Pos, K'ston, Newp. News, Balt PauPrince, Jacksonville, Ch'ston, Matanzas, Pto. Ordaz
MEMNON	19-2-63 Balt., Phil., NY, Newport News, C'cao	LaG., Pto. Suere, Carupano, G. town, P'ho. U.S. Eastcoast
DELFT	19-2-63 Gulf, Tampa, C'cao	M'ho, LaG., Pto. Cab., Gianta, T'dad, G'town, P'ho., Europe
POSEIDON	20-2-63 Gulf	C'cao, LaG., P.Cab., C'pano, Pos, P'tar, M'ho, Ho., N.O.
DAPHNIS	21-2-63 South Atlante, Balt., Phil., N.Y., C'cao	LaG., M'ho, P.Cab., T'dad, Eur.
ORANIE NASSAU BAARN	25-2-63 Europe, B'dos, T'dad, LaG, C'cao	Limon, Kingston, Cartagena
TAIAN MARU	27-2-63 Europa, B'dos, T'dad, C'cao	Sta. Marta, C'gena, B'la, Limon, C'bol, P'Ordaz, Europe
AEGIS SEIZAN MARU	28-2-63 Seattle, Vancouver, Longview, Portland, San Francisco, Los Angeles, C'bal	C'cao, LaG., Pto. Cab., K'ston, S'Dom., Pto. Rico, Gulf
	28-2-63 Balt., Phil., NY	Greater Antilles, Europe
	20-3-63 Japan, San Francisco, C'bal, B'la Ven., C'cao	T'dad, P'ho, B'dos, Gr. Antilles, Tampa

## POLITIEK COMERCIAL INGLES DEN LAGERHUIS

**LONDEN, 12 febr.** — Lagerhuis Ingles a cumenza cu un debate di dos dia tocante un mocion di desconfianza die oposicion laborista contra politiek di gobierno riba terreno comercial despues di fracaso di deliberacionnan na Brussel tocante afiliacion di Inglatera den Mercado Coman Europeo den e mocion aki e partido laborista ta expresa su desconfianza tocante e capacidad di gobierno pa formula o ehecuta un programa, cu por realisa e cambionnan necesario den e politica Ingles riba terreno di comercio di Exterior y e cooperacion economico y politico.

Peró e partido conservativo di gobierno lo entrega un mocion den cual Lagerhuis ta declara di tin confianza completo den e firmeza y capacidad di gobierno pa trata e situacion politico y economico, crea como consecuencia di e fracaso di deliberacionnan na Brussel.

Tantu gobierno como oposicion kier muestra nan miho oradornan. Prome minister MacMillan mes lo inaugura e debate.

Den e ultimo dos simannan e oposicion laborista a ataca sin exito e politica economico y defensa Britanico.

## REFUGIADONAN CUBANO

**HAVANA, 12 febr.** — En total a hanja te ainda 79 Cubano asilo politico den embahada Brazileno na Havana, y a wordu transporta cu avion pa Puerto Rico, asina un vocero dje embahada a participa.

El a bisa, cu a sali prome 52 y ayera 27 Cubano cu avion dje fuerza aerea Brazileno. Awe lo sali un cantidad mas di Cubano pa Brasilia.

## DECLARACION DI CONFERENCIA AFRICANO AZIATICO

**MOSJI, 12 febr.** — E di tres conferencia di solidaridad di paisnan Africano Aziatiko na Mosji Tanganika, a termina cu un declaracion den cual nan ta menciona tres trabou cu e pueblonan Africano Aziatiko mester cumpli cu nan e anja aki. E puntonan aki ta: di prome, intensiva lucha contra colonialismo, neo colonialismo y imperialismo. Di dos, apresura liberacion di teritorio nan Africano y Aziatiko, cu ta dependiente aki di otro pais. Di tres, formacion di frontieran nacional den e paisnan cu no ta liber ainda, y coordina actuacion di movimientonan nacional pa haci lucha pa independencia mas eficaz.

E lucha pa imperialismo no mester wordu limita te na politica, pero e paisnan Africano Aziatiko, mester coonera economicamente, segun e declaracion cu ta bisa cu e ta partidario di desarme y ciberencia pacifico. E hasenan militar den exterior, na Asia, Africa, y Latino America mester wordu aboli.

Den otro resolucionnan nan a bisa cu Nacionnan Uni ta principalmente un arma di imperialismo Mericano, y mester wordu reorganisa. Nan ta exigui contra Inglatera, medidanan pa motibu di mandamentu di trupanan pa Broncei. En bista di Portugal, nan ta exigui un boycott economico y diplomatico.

## INDONESIA Y MALAKA

**DIAKARTA, 12 febr.** — Minister Indones di Exterior dr. Soebandrio a bisa, cu lo tin un guerra entre Indonesia y Malakka, si prome minister di Malakka, Toenkoe Abdoel Rahman, continua su plannan pa cu federacion di Maleic.

## CISCO KID presenta pa cortesía di ARUBA BOTTLING COMPANY gusta y mas pidí. NESBITTS e refresco sin igual, e promer fabrica di refresco na Aruba, cu e productonan mas

1. "Salud!" "Mira avanan!" 2. "Na unda?" 3. "Mi ta nervioso! Mi a kere cu mi a mira na di esnan cu a atakabo pero tabata un otro! Salud!"



## PEPITA Antillian Hardware Co

E mehior adres pa VERF, KWASHI, TUR CLASE DI HERMENT, articulos sanitario.

1. "E blusa aki costa 5 dollar, pero esaki e una mas bunta ta costa 10." 2. "Ta facil pa mira cu bo esopo ta un hende cu un gusto exquisito..." Sigur e lo kler pa bo compra esun di mas caro." 3. "Desde luego Pepita! Bo mester compra esun di 10 dollar!" 4. "Esta hea bo conoce e esposonan!"





DR. ODUBER, PRESIDENT DI A.S.U. NO TA REELIGIBLE

(Di nos redactor deportivo)

DiaSabra pasa tabata ultima dia riba cual e bondnan portiva afilia na Aruba Sport Unie por a nomina candidatonan pa puesta di president af pa puesto den directiva...

Segun informacionnan obteni di e bondnan a acerca Dr. Oduber pa puestas di presidente y representante...



President Youlou di Brazaville y president Kasavoeboe di Congo a firma un tratado di amistad...

for di cualnan sin embargo A.S.U. no a sali completamente aida.

Manera ya nos a yega di informa directiva di A.S.U. a yama su reunion general anual pa diaMars dia 26 di e luna aki.

Ademas di e president ta na turno di baha e actual representante di Amateur Baseball Bond Aruba sr. Tico Kuiperi...

Dos bond mas, cu durante ultimo anja of parti di dje no tabata tin representacion den directiva di A.S.U....

Tambe ta existi un posibilidad cu e reacion reorganisa Aruba Boxing Association hanja un puesto den directiva di A.S.U. caba.

Candidatonan nomina

E bondnan aki riba menciona a entrega nan lista di candidatonan for di unda durante e proximo reunion general lo word e eligi diferente miembro nobo pa directiva.

Pa e bondnan hanja representante den directiva nan mester entrega un lista di por lo meos tres candidato.

Pa e puesto di president a word e nomina dos candidato. Esakinan ta Tico Kuiperi...

LAGA REDDY HACIELE PA BOI E TA HACIELE CU SMAAK.

Senjora; Bo sabi cu Reddy Kilowatt gustosamente kier haci tur trabou fastioso pa bo. Lague mansa bo harinja di pan...



STEELBAND JAMBOREE 1963

Pa prome bez, Aruba Y's Men's Club ta presenta TUR STEEL BANDS DI ARUBA ariba escenario na...

LAGO HEIGHTS CLUB diasabra 16 di februari 1963. Cu cooperacion di: LONG GUN BOYS - LA FAMA - TANKI FLIP - ARUBA INVADERS...

E show ta cuminsa pa 8 'or p.m. — baile te 3'or di marduga. Tarjeta obtenible via: VIANA y na ARUBA TRADING COMPANY NA SAN NICOLAS...

thur Zaandam, Ulpiano Anaya y John Merryweather. Aruba Lawn Tennis Bond: Sres. Herman Kuiperi, Stuart Malinberg...

Aruba Softball Bond: Sres. Francisco Rincones, Pedro de Cuba y Francisco Chirino. Amateur Baseball Bond Aruba: Sres. Alex Mansur, Nilo L. Swaen...

Aruba Boxing Association, cu manera nos a informa a manda su aplicacion pa afilia na Aruba Sport Unie...

E bondnan Aruba Athletic en Wielrenners Bond y Aruba Weightlifting Association no a entrega lista di candidatonan pa representante.

SEIS PA TRES ESSO A GANA ARUBA JRS

(Di nos redactor deportivo)

E encuentronan amistoso di tennis hunga ariba cancha di Eagle entre equiponan di Esso Tennis Club y Aruba Jrs. a word e gana door di Esso...

E otro tres partidonan di diaSabra atardi tabata doubles masculino y tur tres a word e gana door di Esso...

Cu un ventaha di 4 pa 1, pa Esso, e partidonan a word e reanuda dia Domingo atardi. E tercer y ultimo singles masculino tabata entre Edgar Kerkboom...

E ultimo doubles masculino a resulta den un triunfo pa Aruba Jrs. Luis Brion y Efraim Tromp (Aruba Jrs)...

E encuentronan di doubles mixto a resulta den un victoria pa cada uno. C. Bruin y Sra. Roelofs Valk di Aruba Jrs. a gana di Sra. Tutein Notennius y R. Bergfeld...

Sra. Sint y J. Smit di Esso a supera di Aruba Jrs. forma door di C. Kipp y Sra. Van Dijk den dos set largo 8 pa 6 y 10 pa 8.

Esso asina a sali triunfador di e encuentronan amistoso aki cu anotacion di 6 pa 3.

HAROLD ODUBER PRESIDENT DI ARUBA BOXING ASSOC.

(Di nos redactor deportivo)

Na e reunion general di e cuatro clubnan di boxeo amateur na nos isla, teni diaSabra merdia a word e eligi un directiva nobo. Cu e responsabilidad di president ta word e encarga e conocido deportista Harold...

Cumpleanjos

Awe ta celebrando su di 6 aniversario e hobencito Yoy Thiel. Felicitacion ta bini di su tata Alfredo, mama Marcolina...

Awe ta celebrando un anja mas di feliz existencia Eulalia Geerman. Felicitacion ta bini di su mama Demeite, di su tata Nicomedes...

Ajera a celebra su feliz cumpleanjos e hobencia Simona Croes. Felicitacion ta bai pe di su tata Hendrik, mama Remela...

Como secretario a keda eligi Juan Francisco Croes, como tesoroer John Merryweather...

E Asociacion ya a pidí afiliacion cerca Aruba Sport Unie y muy probablemente nan logra hanja un representante den e proximo reunion general di A.S.U. mes caba.

Principalmente e trabao di e Asociacion lo consisti di organisa pelcan amateur pa asina trece vida atrobe den e deporte ey.

AGENDA

Arubaanse Courant diarimente cu excepcion di diadomingo. Dedicacion y suscripcion 1116 Directiva y anuncio...

CINE Djaluna 11 di februari 1963. Diadomingo 12 di februari 1963. DE VEER: 8:30'or 'Tunes of glory'...

WIT-GELE KRUIS San Nicolas: Zr. Perpetua. Oranjestad: Zr. Ewald. Santa Cruz: Zr. Ludovic...

PARTERA Zr. Th. E. Gibbs, J.G. Emanstraat 78. Oranjestad, tel. 1255.

BOTICANAN DI WARDA Oranjestad: BOTICA ARUBA, tel. 1081. San Nicolas: BOTICA SAN LUCAS, tel. 5119.

RADIO KELKBOOM Djaluna 12 di februari 1963. 8:00 Opening. 8:02 Selection Musical cu disconan Latino-Americanos...

8:00 Musica Latina. 8:00 Programa di Nid Habibe Jr. 11:00 Musica Norte-Americana. 11:15 Musica Antillana. 1:30 Musica Varia. 1:30 Noticia Local na pagamento...

RADIO VICTORIA

Diamars 12 di februari 1963. 8:00 Apertura. 8:05 Ultimas Noticias. 8:15 E Bijbel Habri. 9:30 Ginnastica. 10:00 World News. 10:10 Hymn of the Day. 10:15 Radio Revival. 10:30 Thought of Home. 11:00 Stories of Great Christians. 11:15 Canticanan Di Evangelio. 12:00 Melodias Di Merdia. 12:00 Ultimas Noticias. 12:15 Musica Sagrada. 12:30 World News. 12:45 Quiet Time. 1:00 Radio Concert Hall. 2:00 Reading Room. 2:15 Songs of Zion. 2:30 Quiet Hour. 3:15 Melodias Del Alma. 3:30 Adelante Juventud. 4:00 Musica Di Banda. 4:35 Ultimas Noticias. 4:40 Muehnan Pa Cristo. 4:45 Noticias Espanol. 5:00 Academia Del Arte. 5:30 Palabras Di Fe. 5:30 Musica Para La Cena. 6:00 Ultimas Noticias. 6:30 Noticias Di Juventud. 6:45 Nederland Nieuws. 7:00 Music You Can Understand. 7:30 Children's Corner. 8:00 World News. 8:15 Off the Record. 8:30 Back to the Bible. 9:00 Musical Gems. 9:30 Bible Time. 10:00 World News. 10:05 Klassieke Muziek. 11:00 Sign Off.

RADIO CARACAS TELEVISION

Marfa 12 de febrero de 1963. 8:00 Pelicula. 7:30 Banco Union. 9:00 El observador Creola. 9:15 Su novela Pab-Vortis. 9:35 Patron de Radio Caracas Television. 9:57 Informacion sobre los progr. del d. 9:57 Documentales. 9:58 Senderos de luz. 10:00 El calendario de mama. 10:30 Cosas de Mujeres. 11:15 Cortos Cinematograficos. 11:30 La perfecta Ama de Casa. 12:00 La C.V.I.R. TV informa a la naolor. 12:05 Telenovela FAB. 12:25 El Show de Sauma. 1:35 El imparcial Television. 2:00 Punto y aparte. 2:30 Club Femenino. 3:00 Estudio de Hector Montevarde. 3:30 Telenovela. 4:30 Club de los Nictes. 5:30 Cine-Variedades Yukyry. 8:30 David Nieve en T.V. 9:00 La novela Camay. 10:30 Cine programa. 12:00 Informacion sobre los Programas a Magiana.

DESGRACIA DI MINA NA ZUID AFRICA

JOHANNESBURG, 12 febr. — A muri ayera 19 hende di cola na un desgracia den un mina di oro na Hartbeestfontein. Ta 175 km na Zuidwest di Johannesburg. Asina un noticia foi Johannesburg a anuncia ayera mainta. Nan no a duna mas informacionnan dje desgracia aki.

„SUERTE DI MARILUZ”

Pa: JUANITA. HOLLANDESE BANKETBAKKERIJ. Oranjestad tel. 2798 — San Nicolas tel. 5478. E mehor adres pa Bola y tur clase di pasa-boca. Diarimente fresco.

No. 12. E mucha muher a guli scupl. „Ta necesario?” Mi mester examinabo, ta masha natural. „Bira di un banda, asina, juist.” „No hala rosea, awor.” „Ta haci dolor?” „Ay, si!” „Y aquinan awor?” „Tambe, ay!”

E examinacion tabata cortico. E cara di e mucha muher tabata corra. Berdad ta cu Mari-Luz tabata muri di berguenza, di mira con e ta word e trata asina intimo, door di un hende cu den su animo e a jega di bisle tanto cos contradictorio. E Marqez y tambe e ama Nieves tabata presente den e kamber. Na un dado momento ora cu tur e dos hendenan aki tabata un poco distrai, Juan Miguel a bisa e mucha muher algo den su orea, mientras cu e ta sigui cu su trabou: „Manera bo a mira Sra. ama y donjo, nos a bolbe topa cu otro mas prome cu nos tur dos a desea-esey.” E mucha muher a drey mirele cu asina un cara rabia. Pero mientras cu e dokter tabata examina, su wowonan no tabata full sera. „No e no a kibra ningun costilla, ni sikiera e no a sintiele, e dokter joven a bisa.” „Ta solamente raska e a raskela un poco.” „E mester descansa un poco y por pone bolsa di awa cayente na e raska.” „Aki 3 of 4 dia mas ya e ta sintiele perfectamente bon.” „Mi ta contento cu e accidente no tabata nada grave.” „Nada mas, Sra. Mari-Luz.”

E Marqez a keda poco seropendi di weyta con keto y silencioso su jiu muher tabata. Pasobra nunca Mari-Luz no tabata comportele asina den presencia di un dokter, pasobra e no tabata un mucha muher tinudo. Toch Don Ignacio a keda tranquil, despues di tende cu no ta nada grave. Juan Miguel a despedi, prometiendoli di bolbe su siguiente dia. Pero e mucha muher no tabata sintiele dispuesto di resti un „examinacion” atrobe. E a loera di convence su tata y e ama Nieves cu e bishita di e dokter no ta necesario. Despues e ta bisa den su mes: „Ta parece mesos cu ta un inano a pone e mucha homer aki den mi caminda.” „E a sunehimi, mi tambe a sunche y awor mi mester admiri cu su mannan a pasa na algun parti intimo di mi curpa, esta cos no?” „Pero en tin toch ta un dokter, e ta y cu esey mi no por bisa nada.” „E lo a bariami, e bandido ey”. E raska chikito di Mari-Luz a dura exactamente e dianan cu e dokter a bisa. Despues di tres dia ya e no tabata sinti ningun dolor mas.

E invitadonan di e Marqez no tabata tin descanso. Ya nan a bay jaag dos biaha caba na un pida lugar habri di „La Solana”, tambe nan a landa den e piscina, hunga tennis y varios otro deportes mas, tambe tur anochi nan ta baha cu pick-up te laat den anochi, en fin, y Diadomingo nan por a mira toramento den e coral di „La Solana”. Pa torador Don Ignacio a scoje un torador di fama, cu mester jega na e finca e dia di fiesta mainta. E hendenan cu lo bishita „La Solana” lo bira mas grandi, pasobra nan a invita hopi caballeros y damas for di Madrid y Salamanca. Tambe e gobernador di e provincia ta bini y varios otro persona destaca. Tur es ta tabata prepara pa e corrida di toros bira un exito, y e marqez tabata orgulloso di por a reuni na su cas hende asina selecta. Sa jiu muher tabata judele cu e preparacionnan pa e festival. Pero „El Alcarreño” no a bini diadomingo mainta. Uno di e guardianan di e finca a trece e noticia ey e famoso torador a sufrí un accidente di auto na caminda pa bay „La Solana” cual a resulta cu e a kibra un braza y nan mester a hibe na Salamanca. Don Ignacio a keda tur susia. Su cas tabata jen di invitados. Ya e gobernador y varios otros mas a caba di jega. No ta tin otro remedio cu suspende e corrida di toros, despues di tanto preparacion? Tabata falta mas o menos 8 ora pa e festival di toro cuminsa. Ta con mester haci di repente asina, pa haya un hende pa encarga su mes cu e dos toronan? Tabata poco menos cu imposible. E Marqez tabata asina sarra, pasobra su vanidad a keda na suela. Su jiu muher tabata eunelo ora cu e a ricibi e desagradabel noticia cu a pasa „El Alcarreño”. Tambe e marquesita tabatin riba cu nan mester stop e festival di toros aki, na unda e a snera di luci como un reina. „To kiko nos por haci?” Don Ignacio ta bolbe puntra, cuando nerviosamente den su cuarto. Pronto Mari-Luz a haya un idea. „Papi, bo ta laga ami recia esey?” „Abo? y con?” „Ami por

DICK TRACY

„Kiko nos por bisa pa senjora Gander?” „Cual di e bantanan ey ta seis reina?” „Bo no ta gusta muher?” „No, ora cu otro tinan den su man.” „Stop, pasobra e y lord di e propiedad aki ta lega awe!”



RIP KIRBY

pa cortesia di: Jan Bodegom en Co (Aruba) N.V. TEL. 1284-1402 agente exclusivo di FRIESCHE VLAG lechi evaporado y lechi en polvo. MAXWELL HOUSE KOFFIE





**SOLAMENTE 15 DIA MAS . . .** Corda bon cu dia 27 di februari la ultimo dia cu nos ta cambia tickelenan. Dia 28 di februari e concurso ta tuma lugar.

**NO perde e oportunidad unica aki di bira donja di un auto OPEL REKORD COUPE 1963, E prome premio sensacional di „BOCA CHICA“, e rom famosa y mas exhihi na Aruba. Ademas tin regalos na PLACA EFECTIVO y varios GALON DI E SABROSISIMO „RON BOCA CHICA“.**

● Cambia bo botterman bashi na: San Nicolas cerca ARUBA RUM SHOP (Choy Moy) y MING HOP RUM-SHOP y FONTEIN RUM SHOP. Na Oranjestad cerca DAKOTA BAR na Dakota y E. F. DEBROT na Nassoustraat 98.

Pa mas informacion: **E. F. DEBROT Inc.** TEL. 1039 - 1040.



Marina ingles actualmente ta tumando pruebanan cu e plataforma „rock and roll“ aki cu ta imita e movecionnan di un barcu riba laman. Asina nan ta train e pilotonan di helicopter pa ateriza sin accidente riba un dek di bapor.

**NOTICIA DI POLIS**

**Palis ataca na Sta. Cruz**  
 SANTA CRUZ — Diadomingo marduga tabatin pelea grandi na un club na Santa Cruz. E patrulla cu a bini a logra pone dos tipo den auto pero ora cu nan a bai dura asistencia na otro peleanan, e dosnan aki a corre bai. Laego e patrulla a wordo ataca di atras pa algun tipo. Un tal A.K. kende tabata bou di influencia y tabata haci desorden a wordo hiba warda y a bai den cel.

**Homber a maltrata casa**  
 SANTA CRUZ — Na Kas Arriba un homer a maltrata su casa diadomingo atardi pa dos'or y binti ora cu el a bai e dama cu un pida castic. Polis a papia cu e homer.

**Desgracia no trabou**  
 BARCADERA — Durante trahou nan na e fabrica quimica na Barcadera, diasabra atardi pa cuator y binti y trahador J.M. a kibra su pia. E homer aki tabata traha para riba un di e pontonan riba laman, ora cu un cable a slip y a bai primi pia di e homer contra di e ponton. J.M. a wordo hospitaliza.

**Amenaza**  
 PIEDRA PLAT — Na Piedra Plat diadomingo atardi pa diezdos'or y mei un dama a wordo menaza door di un ruman homer. E ruman homer tabata hopi bou di influencia di bebida y patrulla a bai canela.

**Glasan destrui**  
 ORANJESTAD — P.J. kende a bishita cine diadomingo anochi a repardi diadomingo anochi diezdos'or y cuarto, ora cu cine a ceba, cu e „windshield“ y glas di un di e portanan a wordo kibra cu un piedra. E.J. a para su auto A-3565 riba boulevard na altura di e pakketpostafdeling. Polis ta investigando.

**Dolor di lamba**  
 TANKI LEENDERT — Un janada telefonica a informa polis cu un homer a cai for di su bicicleta diadomingo anochi och'or y mei. Polis a hanja e homer ta keha di doloman den lomba, pero nan no por a constata ningun clase di herida. E homer, sin embargo, tabata bou di influencia di bebida. Nan a serja e homer aki na Playa.

**Trafico durante fin di siman**  
 ORANJESTAD — Na e cruzada Emmasstraat—Arendstraat dos auto A-5767 maneha pa C.F. y pick-up A-3989 maneha pa N. a choka diasabra atardi pa dos'or. Danjo na e auto di famia ta f. 200— y na e pick-up f. 100.— Un di e autonan no a duna preferencia.

**SAN NICOLAS** — Otro choké tabata diasabra atardi cuator y binti na e skina Vermeerstraat—Ruyssdaelstraat entre A-2043 maneha pa I.H. y A-1534 maneha pa F.R. Aki tambe un di e chofernan no a duna preferencia. Danjo na e prome auto ta f. 200.— y na e otro f. 250.—

**NOORD** — Diasabra anochi nuebe'or y diez chofer di A-5170 a dal su auto contra di un palo di coque na e skina di L. G. Smithhoevard y e caminda cu ta bai na Noord. Despues di e choké y chofer a corre bai, pero patrulla logra di captura. E chofer aki, A.P. tabata bou di influencia y tabata incapaz di maneha un auto. Un pasahero a wordo herida y a ser transporta pa hospital cu ambulance. Despues cu el a hanja tratamiento medico el a wordo enbarcha pa motibo cu e tambe tabata bou di influencia. Velocidad muchu halto tabata causa di e accidente aki. Danjo na e auto ta f. 400 y e palo di coque a keda para ileso.

**SAN NICOLAS** — A-1290 maneha pa H.M. y A-4413 maneha pa I.C. a choka den Helfrichstraat. Dan-

jo na e prome auto ta f. 75.— y na e otro f. 125.— Causa di e accidente ta cu un di e chofernan a tuma un lorada muchu grandi pa d'echi.

**CASHERO** — Chofer di A-5780, L.J. a sali for di caminda diadomingo mainta 7.15'or y a drenta un trancé di cadushi. E chofer a hanja un coria na su cabes y un ruman homer den e auto a hanja un coria na su nanishi. Despues cu dokter a atende nan, tur dos a bai cas. Causa di e accidente ta cu e velocidad di e auto tabata muchu halto y falta di experiencia di e chofer. Kende na ta den poder di e ribewijs y a coce e auto sin conocimiento di su tata. Danjo na e auto ta f. 1200.—

**SAVANETA** — Diadomingo atardi sav'or y mei A-6364 maneha pa L.J. a sali for di e curva na Jaraweg y despues a dal contra di e curia di parcela Savaneta 17. Causa di e accidente tabata velocidad muchu halto. Danjo na e auto tabata f. 1500.— y na e muraya f. 300.— E chofer tabata keha di dolor den lomba. Cu ambulance el a ser transporta pa hospital y a keda pa observacion.

**ORANJESTAD** — Auto A-3366 maneha pa A.P. y pick-up A-2393 maneha pa W.N. a dal den otro diadomingo atardi pa diezdos'or y cuarto. Danjo na 2393 ta f. 10.— y na 3366 f. 150.— Chofer di A-3366 a corre dal e otro di atras.

**POS CHIKITO** — Diadomingo atardi cinco'or y mei tabatin un choké na e caminda pa Rooi Lamocoki entre A-7044 maneha pa F.C. y A-1280 maneha pa C.K. Causa di e accidente ta cu chofer di A-7044 a corre dal tras di A-1280 cu tabata bai para. Danjo total ta f. 800.—

**A hanja**  
 Chofer di autobus A-2418, a hanja un cartera di plastic color prece contenido f. 275 den su auto. Un pasahero a laga e cartera aki atras.

**Hopi proces-verbaal**  
 Durante week-end patrulla a parti 2 proces-verbaal na chofernan cu a viola e velocidad maximo riba caminda y 74 proces-verbaal pa otro violacionnan di trafico.

**ESTRELLA CONTRA JONG ARUBA AWE NOCHI**  
 (Di nos redactor, deportivo)

Interesante e partido di awe nochi entre Jong Aruba y Estrella poi resulta. Den e promer rond Estrella a perde contra di e veloz muchanan di Noord cu score di 4 gol pa 3. Na e momento aki Estrella tin 13 punto riba su nomber y ta ocupando e tercer puesto bao di Dakota y R. C. A. Jong Aruba tin un punto menos y ta empatá cu San Nicolas Jrs. den cuartro y quinto puesto. Ta di importancia pa Estrella obtene dos punto awe nochi ya cu asina nan ta sigura e tercer puesto, loke ta mustra cu nan a baha unicamente un puesto for di e ultimo campeonato.

Di Otro banda Jong Aruba cu falta ademas di awe nochi un wegá mas contra di Dakota, tin awe su mihor chens di obtene dos punto cu contra di Dakota. Y si nan logra obtene dos punto nan ta pasa pa tercer puesto. Pa ambos pues e resultado ta di importancia, loke lo contribui na haci e partido interesante.

**FLOTA FRANCES**  
 PARIS, 12 febr. — Segun e corant semi oficial „Revue de defense nationale“, e parti mas grandi dje flota Frances lo wordu transporta aki dos anja di Mediteraneo pa Oceano Atlantico. Nan ta hanja Mediteraneo demasido chiqui den e era di atoom aki, den cual flotan ta obliga pa expande nan mes, asina e corant a anuncia.



„MARCIANO“ e muchanan na Belgrado ta jama e polisnan cu nan proteccion especial di cabes contra di friu. E polisnan no ta preocupa pasobra nan cabes ta keda cayente, esey ta principal.

**SUCESONAN NA IRAK**

BAGDAD, 12 febr. — Radio Bagdad a anuncia, cu nan a checuta ajeira mainta 4 oficial di ehercito di Irak.

Segun correspondianan dje corant di Persia „Kujhan International“, na Abadan, nan a bringa te ayera den e provincia Basrah. E bringamentu ta entre partidario y adversarianan dje regimen nobo. Viageronan foi Bagdad ta di opinion cu e rebelde nan den e capital tin e situacion bon den nan man.

Actualmente Alemanian West y Persia a reconoce e gobierno nobo di Irak.

E 4 oficialnan cu nan a checuta na Irak ta e generalnan di brigada, Abdel Selim, Hoesein Djoeri, Daood Janabi, y coronel Abraham Kadim. Janabi tabata un dje seis oficialnan di ehercito, cu na juni di 1959 nan a retira for di servicio activo di Kassem.

General Dhoeri tabata forma parti condena adversarianan di Kassem.

Ajeira mainta nan a tira na Bagdad cu armanan automaticos. Estranheronan a hanja permit pa pasa door di varios barricada den e ciudad. Segun testigo-

**DOS SIMAN CONDICIONAL PA TATA CU NO A CUMPLI CU SENTENCIA**

ORANJESTAD — E carpinte euzatempo di 29 anja C.F. durante algun tempo no a cumpli cu su deber di mantene su dos jiuinan y huez a castigale pa dos siman condicional cu tempo di prueba di tres anja.

Durante di un caso anterior na Corsow, huez di Corte den Prome Instancia a sentencia F. pa paga semanalmente fls. 12.— pa mantencion di cada un di su dos jiuinan, di enter y cinco anja.

For di 20 di oktober di anja pasa te 8 di januari di e anja aki, acusado no a cumpli cu e sentencia y por lo tanto no a duna e muchanan ni un cent.

Acusado a declara tocante di esaki cu desde cu el a bini Aruba anja pasa na oktober y a caminha traha na Barcadera e no tabata cobra ni un cent pa e por manda pa e muchanan. Su salario tabata bai mas tanto pa cuminda, ya cu tur dia e mester a come na chine como cu e no tin ningun hende pa mira p'e.

Fiscal sr. S. H. Tjon Ajong a hanja cu acusado tabata traha y gana cent y por a paga pa e muchanan, pero intencionalmente el a ninga di haci esaki. Fiscal a pidi huez castiga e acusado aki cu castigo di un luna condicional cu tempo di prueba di tres anja y cu denter di seis luna despues di e sentencia e acusado mester paga maná di e muchanan tur e placa atraza.

Acusado, kende hunti cu 39 otro trahador a hanja lay-off na Barcadera, a declara cu actualmente e ta buscando trabou y cu e ora ey e ta spera di por manda placa pa e muchanan. „Si mi tabata sabi cu casamento lo a bai asina, lo mi no a casa nunca“, segun e acusado.

Huez mr. B. Swanenburg, a sentencia pa dos siman di castigo condicional cu tempo di prueba di 3 anja y cu asina e hanja trabou y notifica esaki na Voogdijraad y eumijnza paga mesora, sino e ta bai Dakota.



Dos actornan hoben Jimmy Mitchum di 21 anja y Peter Fonda di 23 anja ta hunga den e pelicula nobo di Carl Foreman „The Victors“. E portretan abao di Robert Mitchum y Henry Fonda ta muestra claramente com e dos hobennan ta parce nan tatanan famoso.

**BO HOROSCOPO PERSONAL**

- ARIES** 21 Maart — 20 April
- TAURUS** 21 April — 20 Mei
- GEMINI** 21 Mei — 20 Juni
- CANCER** 21 Juni — 22 Juli
- LEO** 23 Juli — 22 Augustus
- VIRGO** 23 Augustus — 22 September
- LIBRA** 23 September — 22 Oktober
- SCORPIO** 23 Oktober — 22 November
- SAGITARIUS** 23 November — 21 December
- CAPRICORNUS** 22 December — 19 Januari
- ACUARIUS** 20 Januari — 18 Februari
- PISCES** 19 Februari — 20 Maart

Bo finanzas por causa poco problema pa bo, awe nochi ho por ricibi bishita y busca diversion

Awe por resulta cu bo no ta hanja basta tempo pa caba cu bo trabounan.

Evita observacionnan sin pensa prome, trata bayornan cu respet y no forma discusionnan.

Awe bo tin suerte den bo esfuersonan pa mehora bo posicion financiero.

Bo ta capaz pa ricibi fabonan di otro, amigunan y gruponan, bo lo senti bo poco cansa.

Un hende lo pidi pa un fabon, awe ta un dia favorable pa conversacionnan cu superiornan.

Parece cu bo tin tropi compromiso pa atende, un bishita na cas di un amigu bieu por alegra bo.

Awe bo lo hanja oportunidad pa serra conoci cu un hende importante pa bo.

Awe ta un dia hopi ocupa pa bo, un dia pa deliberacionnan importante, investigacion noticianan.


Algun kuestion importante ta pidi bo atencion atardi ta favorable pa atende cu asuntunan di placa.

Awe bo mester hali busca contacto cu otronan, trata pa vence bo cansancio evita prestion.

Ta parece cu bo lo resolve un problema importante banda di atardi, no hanja miedo of duda.

**BUCHI ROBEZ presenta pa cortesia di: REFRESQUERIA INGRID TEL. 1849**

★ e mehor adres pa snacks, tur clase di dushi, softdrinks, ice-cream y revistas



**PROVISIONAN MEDICINAL PA CUBA**

HAVANA, 12 febr. — Observadoman inoficial na Havana ta spera cu lo sali cu bapor Mericano di e flota mercante „Sante Cerro“, participacionnan dje invasion di 1961 cu a fracasa. E bapor aki a drenta Havana cu cuminda y remedio. Actualmente nan a transporta pa Cuba mercancías pa un suma total di 25 million dollar.